



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Cap. XX. Cap. 1. de Poenitentiâ & Remissione.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

## CAPUT XX.

## Caput I. de Pœnitentiâ &amp; remissione.

**F**ert hoc *Caput*, correctionem secretam non sufficere pro peccatis manifestis. Textus hic evidenter relationem habet cum *cap. 8. Sess. XXIV. de reform.* ubi Concilium in verbis Apostoli instat, qui jubet, ut publicè corrigitur, qui publicè delinquent, cùmque dixit, peccato publico, se intelligere crimen palam admissum coram multis personis, ita, ut dubium non sit, scandalum ex eo natum esse, præcipit imponi pœnitentiam publicam gravitatem criminis proportionatam, ut in viam rectam reducantur, quos crimen ab eâ dejecerat; & permittit Episcopo mutare in pœnitentiam secretam, genus hoc pœnitentia publica, quoties id necessarium aut utile judicabit. Propter hanc itaque relationem **FAGNANUS** hic *caput* hoc exponit, petique, an locum habeat in Confessariis & in Pœnitentiariis? Circum quod relatis rationibus in utramque partem atque Automribus, à quibus desumpta sunt, quorum numerus longè major affirmativam, quam negativam tuerit, posteriorum opinionem amplectitur, qui vetustiores & insigniores sunt ceteris, respondetque ad rationem e contrario consuetudine petitam; 1. Eam posse locum habere erga simplices Confessarios, qui pœnitentiam publicam quamdiu viguit, numquam imposuerunt, sed allegari non posse adversus Pœnitentiarios, qui circa pœnitentiam exercent potestatem reservatam Episcopo; ad quem semper impositio pœnitentiae pertinet.

2. Quod si fuerit consuetudo contraria, ipsa à Tridentino fuit abrogata, ideoque Concilia Provincialia postea habita jubent, ut restituatur ritus pœnitentiarum publicarum, laudatum Autor in hanc rem Concilia Mediolanensis, quorum prioris verba refert, quæ disertiora esse dicit. Tribuit Confessariis facultatem imponendi pœnitentias publicas pro peccatis publicis, aut eam in eis agnoscit, jubetque, ut illâ utantur, & identidem vetat, ne illas in pœnitentias secretas convertant sine licentia Episcopi.

In fine subicit duas Definitiones Congregationis. Prima declarat procul dubio esse, Confessarios, maximè Pœnitentiarios Episcoporum, posse ac debere imponere pœnitentias publicas pro peccatis publicis, sed dubium esse, an Concilium iis tribuat hanc facultatem, ideoque satis esse nihil circa hoc scripto tradere ad securitatem Confessariorum & Pœnitentium.

2. Definitur, laudatum Decretum non complecti Regularés, eos maximè, quorum Constitutiones ferunt, delinquentes coercendos esse intra Monasterium.

## CAPUT XXI.

## Caput 14. de etate &amp; qualitate præficiendorum.

**T**extus hic insinuat, Episcopum sedulò scrutari debere eos, quibus animarum curam committit, & sic de eorum capacitate certum fieri, jubendo, ut Episcopi diligenter Presbyteros, aut per se ipsos, aut per alios, huic idoneo muneri erudiant circa Officia Divina & Sacraenta. Hinc **FAGNANUS** occasionem accepit fuse exponendi *cap. 18. Sess. XXIII. de reform.* quod concursum ad Curas instituit, per quem illæ conferuntur ei, qui in concursu dignior, aut utilior judicatus est post accuratum scrutinium, quod exequitur in pluribus questionibus, quas solvit aut per verba Concilii, aut per Definitiones Congregationis à Pontifice approbatas. 1. Est, an concursus locum habeat in Dignitatibus Ecclesiasticalium, aut Collegialium, animarum curâ gravatarum, & in Beneficiariis istarum Ecclesiastarum, qui curam illam vicissim exercent? Relatisque casibus,

qui acciderant, & iis, quæ in variis Congregationis Confessibus acta fuerant, dicit, approbante Pontifice statutum fuisse, concursum locum non habere in his Dignitatibus, neque in istis Beneficiis.

2. Est, an Prioratus Regulares Ecclesiasticalium olim Collegialium, qui solent in Commendam conferri, concursui subjaceant? Respondetque negativè; quia concursus locum non habet in Curis Regularibus; atque hi Prioratus, quamvis in Commendam Clericis Sæcularibus dati à tempore diurno, sunt Curæ Regulares; laudatque in probationem Decreta Congregationis, quæ à concursu immunes declarat Prioratus Regulares, animarum curâ oneratos, quamvis vulgo Clericis Sæcularibus in Commendam conferantur.

3. Est, an decem dies, aliudve tempus, quod Episcopus ad concursum præstituere debet, numerentur à die cognite Vacationis, aut à die, quæ Episcopus concursum proponit? Respondetque, Episcopum, aut alium quenvis, qui Curæ providere debet, ad præponendum concursum habere tantumdem temporis, quantum ad providendum Curæ tempus, hoc est Mensum sex, in Diœcesis ubi alternativa locum habet, posito quod Cura vacaverit in Mensibus Ordinarii, & quatuor Mensum tantum, cum vacavit in Mensibus Pontifici reservatis. Ad probandum, Episcopum proponere posse concursum tam sub finem, quam sub medium, aut initio temporis illius, laudat verba Concilii, quod loquens de deputatione servientis ad regendant Curam, donec collata sit per concursum, dicit, enim id facere debere, statim atque vacationem noverit; & loquens de publicatione concursus, non inserit hanc circumstantiam: adiicit etiam, quod, cum finis concursus non sit providere Curis celeriter, sed eligere bonos Curatos, fieri potest, ut sit necessarium publicationem differre, vel ad expectandum aliquem, qui dotibus requisitis instructus esse cognoscitur, vel ad scribendum ad loca diversa, ut detegantur tales persona, quæ invitentur ad concursum. Hæc est igitur causa: propter quam Concilium permittit Episcopo tempus concursus præstituti prorogare, ut scribantur Nomina eorum, qui concurrende debent, & quando Episcopus prævidet nullum alium se fiturum, qui eos vincere possit, quorum nomina descripta sunt, procedere potest ad scrutinium, ante finem temporis ad inscriptionem dati; & sic factum scrutinium valet, si nemo appareat, qui queratur se lasum esse. Sic definitiv Congregatio, nec non scrutinium inceptum ultimâ die temporis præstituti legitimum esse, modò omnes, qui descripti erant, scrutinium subierint, antequam exierint Scrutatores, atque Episcopu elegent. Interest Ecclesiæ, Episcopi, & Concurrentium, Episcopum posse differre publicationem concursus, sicut ejus tempus prorogare valet. Denique, talis est usus universalis Episcoporum; hic autem usus optima est probatio, quod sensus Decreti, de quo agitur, supradatus legitimus sit.

Licet igitur Episcopo concursum publicare, cum libuerit, modò id faciat intrâ tempus visum sibi competens ad dignè providendum Curæ.

4. An Concurrentes rejeclti jus habeant appellandi à judicio Scrutatorum, & à provisione factâ ab Episcopo? Multis in utramque partem relatis, concludit **FAGNANUS**, eos id posse, & Congregationem Generalem post maturam deliberationem sic definiisse.

5. Speciat durationem potestatis Scrutatorum Syndicalium, & queritur, an Episcopu quibusdam mortuis ante expirationem potestatis ipsorum, alios substituere possit extrâ Synodum? **FAGNANUS**, supponens hanc potestatem, juxta Concilium unico tantum anno durare, respondet 1. Quod si moriantur omnes intrâ annum, oportet, juxta Decretum **CLEMENTIS VIII.** circa id editum, ut Episcopus sex eligat inter veteres, & eos defunctorum loco subroget; si sex non occurrant, deficientes supplet ex novis, quos à Capitulo